

Promozion dal svilup economic

Il cussegl grond discuta la revisiun da la lescha vertenta

■ **(anr/rgd) L'emprima fatschenta da la sessiun d'avust dal cussegl grond pertutga l'economia grischuna. La revisiun totala da la lescha davart la promoziun dal svilup economic en il chantun Grischun procura per discussiuns.**

L'emprima fatschenta dal cussegl grond en la sessiun d'avust tanghescha l'economia chantunala. Las opiniuns davart la megliera via per promover l'economia sa dividan. La discussiun en detagl vegn cuntinuada oz gievgia.

La nova lescha cun pli paucas regulaziuns

L'intenziun da promover l'economia grischuna n'è betg dispaivla. Las opiniuns sa dividan dentant tar ils detagls. *Marcus Caduff* (pcd, Lumnezia) ha intunà la necessità d'agir a moda concreta: «Ina revisiun da la lescha è ina basa, na generescha per sasez dentant anc naging gudogn.» El ha crititgà ultra da quai che la lescha da la planisaziun dal territori saja memia severa ed impedeschia l'innovaziun. Caduff ha era fatg attent als basegns da las regiuns: «Nus stuain dar adatg da betg tralaschar las regiuns periferas entras rinforzar ils centers regiunals.» Plinavant ha el crititgà la decisiun da desister al sustegn da singulas intrapraisas. Per *Heinz Dudli* (pbd, Tschintg Vitgs) perencunter na vegn in sustegn da singulas intrapraisas betg en dumonda.

L'istorgia ans mussa ch'in tal agid na porta nagut a lunga vista», ha ditg *Dudli*. El s'engascha per ina birocrazia pli sperta, per taglias bassas, per bunas relaziuns da traffic ed energia pajabla. Per *Peter Peyer* (ps, Trin) constatan las cir-

cumstanzas da basa: «Nus avain taglias bassas, nus avain ina buna scolaziun, in'administraziun moderata ed energia regenerabla en noss chantun.» La revisiun totala da la lescha per la promoziun da l'economia saja gartegiada. La discus-

siun generala ha er manà a differentas enconuschientschas. *Jon Pult* (ps, Cuira) ha fatg attent che l'economia grischuna saja dependenta da trais branschas: agricultura, turissem e branscha da construcziun. Tuttas han ina pitschna creazi-

un da valor. Pult ha pretendì perquai vehementamain dapli diversificaziun.

Jon Domenic Parolini vul promover l'innovaziun

Er cusseglier guvernativ *Jon Domenic Parolini* è da l'avis che la revisiun totala da la lescha da promoziun dal svilup economic grischun saja reussida: «En in ambient economic flavel en media svizra è la promoziun tant pli impurtanta. La structura da l'economia grischuna ha in'auta cumpart d'agricultura en cumparegliaziun svizra.» Entaifer l'economia da produziun dominescha l'economia da construcziun. Mintga sisavla piazza da lavur en il Grischun è en il sector da la gastronomia. «Tut branschas cun bassa valor.» Latiers vegn tenor *Parolini* anc la demografia negativa che maina ad ina mancanza da lavurers dal fatg. Ils puncts principals da la nova lescha cumpiglian tenor el il sustegn da la populaziun decentrala grazia al rinforz dals centers regiunals. «Impurtant èsi da stgaffir bunas cumstanzas senza massa blera birocrazia e pli paucas leschas.» Betg pussaivla vegn ad esser, sco ch'el suppona, en avegnir il sustegn d'intrapraisas en l'industria ed en il commerzi. «Diversificaziun è gavischada, ma betg simpla a cuntanscher», ha ditg *Parolini*. L'entrada en fatschenta n'era betg contestabla. La consultaziun detagliada ha cumenzà mesemna saira e vegn cuntinuà oz.



Cusseglieger guvernativ *Jon Domenic Parolini* ha represchentà l'avis da la regenza en la debatta davart la revisiun totala da la lescha per la promoziun economica.

FOTO O. ITEM